

Vun driweriver

erscheint auf www.lenauheim.de

monatliche
Erscheinung

Februar 2023

von Helen Alba

Werterspiel

Knuschprich is de Kuche un es Brot,
ach es Bradl, wann des gut gerot.
Kerschtlich git uf Glut Zigeinerspeck,
bei Gepritschelti ich mer de Finger leck.

Plackich is mer ohne Hoor,
do hat ke Kambl nix verlor.
Pickich sin beim Plicke unser Händ
weil Weichspitta sin a heit im Trend.

Pollrich is mer oft im Streit,
schmunzlich awer, wer sich gfreit.
Die Bambliche, die han ke Ruh,
sie haue zornich Tor un Tiere zu.

Krallewatschich, des kummt mit der Zeit,
krummlich, bucklich gin gar oft die Leit.
Pumplich is der, was gerot zu dick,
krischpindlich, schau Knoch ausm Rick.

Nackarschich alli Kinner bringt de Storch
un des e jedes Mol sogar uf borch.
Runzlich werd im Alter manches Gfrieß,
lechrich steht im Hof die blechni Gieß.

Loblich is es Wasser, nor lauwarm,
knurrich is, wann leer de Darm.
Urassich git mer beim lange Warte,
zeidich sin die Quetsche jetz im Garte.

Wann stipperlich mol kummt e Gascht
un macht kurich dann e langi Rascht
kann mer äpptänzrisch gin im Nu,
schlaat apsenat die ville Tiere zu.

Pitangiere, des heescht rumfalle,
fuchtle tut jo keem nit gfalle.
Triwliert werd oft aus lauter Freed,
jomrich is de Mensch im Leed.

Schlampich is nie Ordnung halle,
wer tappich is, ja der kann falle.
Daasich sin, des heescht marod,
die Lappiche kumme ausm Lot.

Schuster bleib beim eigne Leescht

E Herrischer eener aus der Stadt
der hat ufmol e Infall ghat:
Ich geh jetz dorthin zruck, wu mol mei Ahne
sich geploot han, wu se anfang han zu plane.

Er find e Dorf mit gutem Feld,
im Sack hat er e Batze Geld.
Kaaft e Garte un e kleenes Haus derzu,
denkt: Do wertschaft ich un han mei Ruh!

So eenfach war des nit, weil Spart un Hack
traat mer nit im Hosesack.
Dermit muss mer lukrate vun frieh bis spot,
de Städtler holt sich manche gude Rot:

Wann voll Ploodre sin die Händ,
beisst mer tapper zamm die Zähnt!
Weil mer sich zuerscht dran gwöhne muss,
wanns ach is e harti Nuss.

Die Miedichkeit, sie kummt un geht.
Doch der Herrischi erscht jetz versteht:
Die Hack jo ke Spazierstock is, oh nee!
De Buckl tut bei sovill Arweit weh.

E Jahr lang halt er's ufm Dorf do aus,
dernoh verkaaft er Garte un achs Haus.
De Neigieriche saat er: „Weescht,
de Schuster bleibt am bescht beim eigne Leescht“!

Iwerlaafe

Es iwerlaaft em manchmol heiß un kalt.
Egal ob mer jung is oder alt.
Oftmols is des Schittelfroscht un dann
ach Beiltfiewer die Mensche packe kann.
Gänsehaut krien – a des is Iwerlaafe oft,
wann mer vor lauter Freed druf hofft,
dass mer aus der Reih tanzt, äpptänzrich git
un vum Warte uf Guds so e Iwlaafe kriecht.
Un heitzutach do iwerlaaft em jedes Mol
wann mer es Wort „Corona“ heert – jawohl!
Es laaft bis nuner in die große Zeb, mir warte druf
dass der Spuck mol endlich werd heere uf!

Greessri Aue wie de Phans

Mer hat sich rausgscheppt vill zu vill,
weil mer Hunger hat un alles esse will.
Uf eemol is er voll, de Phans.
„Ich kann nimi“, steent de Hans.
„Ess alles uf, des was im Teller is!
Es werd bei uns nix wegger gschmiss.
Liewer schepp der zwaamol raus,
dann is sicher wieder Ruh im Haus!“

Gumser mache

Er schnorkst un schnorkst – in eener Tuur,
es heert sich an, wie Schnorkse an der Schnur.
Ich stupp e phaarmol – sin jetz mied,
vum ville Stuppe hat er Ambaschure kriet.

Dreht sich rum un fangt wie wild zu fuchtle an,
meiner Seel, ich krien jo Ängschter vor dem Mann.
Er schnauft jetz ganz normal, e Weil is Ruh,
ich will e Gumser mache, drick die Aue zu.

Ke fünf Minute, weiter geht die Schnorkserei,
ich denk an alles Meeglichich un steen derbei.
Ufmol e Ropper – ich hal des nimi aus, stupp fescht,
un denk, der Stubser, der war doch es bescht!

Doch kaum beruhicht, holt der uf eemol aus
un schreit: „Schau, do laaft e Maus!“
Ich stupp noch feschter, er schreit standepee:
„Saperlott nochmol, du tuscht mer weh!“